

Broj: 01-934/24-6

Datum: 30.05.2024. godina

Na osnovu člana 64. stav (1) tačka a), člana 70. Zakona o javnim nabavkama („Sl. glasnik BiH“, broj 39/14 i 59/22), te na Preporuku Komisije za javnu nabavku broj: 01-934/24-5 od 30.05.2024. godine, u postupku javne nabavke roba, direktor JKP „Komunalac“ d.o.o Tuzla je donio

**ODLUKU**  
**o izboru najpovoljnijeg ponuđača u postupku nabavke**  
**kamenog agregata**

**Član 1.**

**Prihvata se Preporuka Komisije za javne nabavke, broj: 01-934/24-5 od 30.05.2024. godine i okvirni sporazum za javnu nabavku kamenog agregata dodjeljuje se ponuđaču „Terakop“ d.o.o. Živinice, ponuda broj: 185/24 od 24.05.2024. godine, za ponuđenu cijenu 24.850,00 KM, bez PDV-a, kao najbolje ocijenjenom ponuđaču.**

**Član 2.**

Prijedlog okvirnog sporazuma o nabavci dostavit će se na potpis izabranom ponuđaču „Terakop“ d.o.o. Živinice, najkasnije u roku od deset dana računajući od dana prijema odluke ugovornog organa o izboru najpovoljnijeg ponuđača.

**Član 3.**

Izabrani ponuđač dužan je u roku od pet dana dostaviti originale ili ovjerene kopije dokumenata zahtijevanih tenderskom dokumentacijom. Ukoliko ponuđač propusti učiniti isto prijedlog ugovora će biti dostavljen onom ponuđaču koji je po rang-listi odmah nakon ponude najuspješnijeg ponuđača u skladu sa članom 72. stav 3. Zakona o javnim nabavkama.

**Član 4.**

Za izvršenje ove odluke zadužuje se i ovlašćuje Odjel za javne nabavke.

**Član 5.**

Ova odluka će biti upućena svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 6.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-934/24-1 od 15.05.2024. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 25.000,00 KM.

Obavijest o nabavci broj: 781-7-1-130-3-74/24 poslata je na objavu na Portalu javnih nabavki dana 16.05.2024. godine.

Komisija za javnu nabavku imenovana je Odlukom broj: **01-934/24-2 od 15.05.2024. godine.**

Komisija za javnu nabavku dostavila je Zapisnik o ocjeni ponuda broj: 01-934/24-4 i Preporuku o izboru najpovoljnijeg ponuđača broj: 01-934/24-5 od 30.05.2024. godine, u postupku javne nabavke **kamenog agregata.**

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1
- da su blagovremeno zaprimljena 1 ponuda.
- da je ponuda ponuđača „**Terakop**“ **d.o.o. Živinice**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka a) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

1x „Terakop“ d.o.o. Živinice

1x a/a

Direktor



*Bećirović Admir*

Mr.sc. Admir Bećirović